

說一切有部品類足論卷第二 交二

耽嗜上丁舍反聰下羊反觀下羊反

十三末

阿毗達磨品類足論卷第三 交三

尊者世友造 三藏法師玄奘奉 詔譯

辯七事品第四之餘

信云何謂信信性增上信性忍可欲作欲為
欲造心澄淨性是名為信勤云何謂勤精進
勇健勢猛熾盛難制勵意不息心勇悍性是
名勤慙云何謂慙等慙各別慙著等著各別
著厭等厭各別厭毀等毀各別毀有尊有敬
有所自在有自在轉有所畏忌不自在行是
名為慙愧云何謂愧等愧各別愧耻等耻各
別耻厭等厭各別厭毀等毀各別毀怖罪懼
罪於罪見怖是名為愧無貪云何謂有心所

與心相應能對治貪是名無貪無瞋云何謂
有心所與心相應能對治瞋是名無瞋輕安
云何謂身輕安心輕安已輕安輕安類是名
輕安捨云何謂身平等心平等身正直心正
直無警覺寂靜住是名為捨不放逸云何謂
於斷惡法具足善法中堅作常作修習不捨

名不放逸不害云何謂於有情不毀不損不
傷不害不惱不觸不令墮苦是名不害

不信云何謂不信不信性增上不信性不忍
不可不欲作不欲為不欲造心不澄淨性是
名不信懈怠云何謂下劣精進微弱精進羸
憊精進退怯精進懈怠精進心不勇悍性是

名懈怠失念云何謂虛念空念忘念失念心
外念性是名失念心亂云何謂心亂心散心
流轉心飄蕩心不一趣不住一緣是名心亂
無明云何謂三界無知性不正知云何謂非
理所引慧非理作意云何謂染污作意邪勝
解云何謂染污作意相應心正勝解已勝解

當勝解是名邪勝解掉舉云何謂心不寂靜
 心不憺怕心不寧謐掉動飄舉心躁擾性是
 名掉舉放逸云何謂於斷惡法具足善法中
 不修不習不別修習不堅作不常作不勤修
 習性是名放逸
 忿云何謂忿等忿徧忿極忿已正當忿是名

為忿恨云何謂心結怨已正當恨是名為恨
 覆云何謂隱藏自罪惱云何謂心很快已正
 當惱是名為惱嫉云何謂心妬忌慳云何謂
 心鄙恠誑云何謂幻惑他諂云何謂心矯曲
 矯云何謂憍醉極憍醉迷悶極迷悶慢緩極
 慢緩心傲誕性是名為憍害云何謂於有情

能為毀損傷害惱觸逼令墮苦是名為害欲
 貪云何謂於諸欲起貪等貪執藏防護耽著
 愛樂是名欲貪色貪云何謂於諸色起貪等
 貪執藏防護耽著愛樂是名色貪無色貪云
 何謂於無色起貪等貪執藏防護耽著愛樂
 是名無色貪瞋云何謂於有情心懷憤恚根

我對礙憎怒凶悖猛烈暴惡已正當瞋是名
 為瞋疑云何謂於諦猶豫
 有對觸云何謂五識身相應觸增語觸云何
 謂意識身相應觸明觸云何謂無漏觸無明
 觸云何謂染污觸非明非無明觸云何謂不
 染污有漏觸

有身見云何謂於五取蘊等隨觀執我或我
 所由此起忍樂慧觀見是名有身見邊執見
 云何謂於五取蘊等隨觀執或斷或常由此
 起忍樂慧觀見是名邊執見邪見云何謂謗
 因謗果或謗作用或壞實事由此起忍樂慧
 觀見是名邪見見取云何謂於五取蘊等隨

觀執為最為勝為上為極由此起忍樂慧觀
 見是名見取戒禁取云何謂於五取蘊等隨
 觀執為能清淨為能解脫為能出離由此起
 忍樂慧觀見是名戒禁取
 樂根云何謂順樂受觸所觸時所起身樂心
 樂平等受受所攝是名樂根苦根云何謂順

交二

二

交三

三

苦受觸所觸時所起身苦不平等受受所攝
是名苦根喜根云何謂順喜受觸所觸時所
起心喜平等受受所攝是名喜根憂根云何
謂順憂受觸所觸時所起心憂不平等受受
所攝是名憂根捨根云何謂順捨受觸所觸
時所起身捨心捨非平等非不平等受受所
攝是名捨根

尋云何謂心尋求徧尋求攝度極攝度現前
攝度推究追尋極思惟思惟性令心塵動是
名為尋伺云何謂心伺察徧伺察隨徧伺察
隨轉隨流隨屬於尋令心細動是名為伺識
云何謂六識身即眼識乃至意識無慙云何
謂不慙不等慙不各別慙不羞不等羞不各
別羞不厭不等厭不各別厭不毀不等毀不
各別毀無尊無敬無所自在無自在轉無所
畏忌自在而行是名無慙無愧云何謂不愧
不等愧不各別愧不恥不等恥不各別恥不
厭不等厭不各別厭不毀不等毀不各別毀

不怖罪不懼罪於罪不見怖是名無愧

眼識云何謂眼及色為緣生眼識如是眼為
增上色為所緣於眼所識色諸色正當了別
是名眼識耳鼻舌身意識亦亦眼觸云何謂
眼及色為緣生眼識三和合故觸如是眼為
增上色為所緣於眼所識色諸觸等觸觸性
等觸性已觸觸類是名眼觸耳鼻舌身意觸
亦亦眼觸所生受云何謂眼及色為緣生眼
識三和合故觸觸為緣故受如是眼為增上
色為所緣眼觸為因為集為類為生眼觸所
生作意相應於眼所識色諸受等受各別等
受已受受類是名眼觸所生受耳鼻舌身意
觸所生受亦亦眼觸所生想云何謂眼及色
為緣生眼識三和合故觸觸為緣故想如是
眼為增上色為所緣眼觸為因為集為類為
生眼觸所生作意相應於眼所識色諸想等
想增上等想已想想類是名眼觸所生想耳
鼻舌身意觸所生想亦亦眼觸所生思云何

文三

四

謂眼及色為緣生眼識三和合故觸觸為緣
 故思如是眼為增上色為所緣眼觸為因為
 集為類為生眼觸所生作意相應於眼所識
 色諸思等思增上等思已思思類心作意業
 是名眼觸所生思耳鼻舌身意觸所生思亦
 亦眼觸所生愛云何謂眼及色為緣生眼識

三和合故觸觸為緣故愛如是眼為增上色
 為所緣於眼所識色諸貪等貪執藏防護耽
 著愛樂是名眼觸所生愛耳鼻舌身意觸所
 生愛亦亦

眼界幾界幾處幾蘊攝眼界所攝法幾界幾
 處幾蘊攝眼界所不攝法幾界幾處幾蘊攝

眼界所攝不攝法幾界幾處幾蘊攝除眼界
 所攝法餘法幾界幾處幾蘊攝除眼界所不
 攝法餘法幾界幾處幾蘊攝除眼界所攝不
 攝法餘法幾界幾處幾蘊攝乃至意觸所生
 愛為問亦亦
 答眼界一界一處一蘊攝不攝十七界十一

處五蘊眼界所攝法一界一處一蘊攝不攝
 十七界十一處五蘊眼界所不攝法十七界
 十一處五蘊攝不攝一界一處一蘊眼界所
 攝不攝法十八界十一處五蘊攝無界無處
 無蘊不攝除眼界所攝法餘法十七界十一
 處五蘊攝不攝一界一處一蘊除眼界所不

文三

五

攝法餘法一界一處一蘊攝不攝十七界十
 一處五蘊除眼界所攝不攝法所問餘法無
 事空論以一切法皆被除故如眼界九有色
 界十有色處應知亦亦眼識界二界一處一
 蘊攝不攝十七界十二處五蘊如眼識界耳
 鼻舌身意識界六識身應知亦亦意界七界

一處一蘊攝不攝十一界十一處四蘊如意
 界意處識蘊識法應知亦亦法界一界一處
 四蘊攝不攝十七界十一處二蘊法處亦亦
 色蘊十一界十一處一蘊攝不攝八界二處
 四蘊受蘊一界一處一蘊攝不攝十八界十
 二處四蘊如受蘊想蘊行蘊大地法中受想

應知亦亦色取蘊十一界十一處一蘊攝不攝八界二處五蘊受取蘊一界一處一蘊攝不攝十八界十二處五蘊如受取蘊想取蘊行取蘊五有色界八大地法十大善地法十大煩惱地法十小煩惱地法五煩惱五觸五見五根四法後五六身應知亦亦識取蘊七界一處一蘊攝不攝十三界十二處五蘊識界亦亦眼識界一界一處三蘊相應十八界十二處五蘊不相應如眼識界耳鼻舌身意識界識取蘊識界六識身應知亦亦意界一界一處三蘊相應十八界十二處三蘊不相應如意界意處識蘊識法應知亦亦法界八界二處四蘊相應十一界十一處二蘊不相應如法界法處行蘊八大地法應知亦亦受蘊八界二處三蘊相應十一界十一處三蘊不相應如受蘊想蘊大地法中受想應知亦亦受取蘊八界二處三蘊相應十三界十二處五蘊

不相應想取蘊亦亦行取蘊八界二處四蘊相應十三界十二處五蘊不相應尋伺法亦亦信八界二處四蘊相應十八界十二處五蘊不相應如信餘九大善地法十大煩惱地法欲貪瞋無明觸非明非無明觸無慙無愧應知亦亦忿三界二處四蘊相應十八界十

文三

六

二處五蘊不相應如忿餘九小煩惱地法無色貪疑明觸五見六愛身應知亦亦色貪六界二處四蘊相應十八界十二處五蘊不相應有對觸七界二處四蘊相應十三界十二處五蘊不相應增語觸三界二處四蘊相應十七界十二處五蘊不相應六觸身六思身亦亦樂根八界二處三蘊相應十八界十二處五蘊不相應捨根亦亦苦根七界二處三蘊相應十八界十二處五蘊不相應喜根三界二處三蘊相應十八界十二處五蘊不相應憂根亦亦眼觸所生受三界二處三蘊相應十七界十二處五蘊不相應如眼觸所生

受耳鼻舌身意觸所生受六想身應知亦介
辯隨眠品第五

九十八隨眠幾欲界繫幾色界繫幾無色界
繫答三十六欲界繫三十一色界繫三十一
無色界繫此九十八隨眠幾見所斷幾修所
斷答八十八見所斷十修所斷欲界繫三十

六隨眠幾見所斷幾修所斷答三十二見所
斷四修所斷色界繫三十一隨眠幾見所斷
幾修所斷答二十八見所斷三修所斷無色
界繫三十一隨眠亦介此九十八隨眠幾見
苦所斷幾見集滅道修所斷答二十八見苦
所斷十九見集所斷十九見滅所斷二十二
交三

見道所斷十修所斷欲界繫三十六隨眠幾
見苦所斷幾見集滅道修所斷答十見苦所
斷七見集所斷七見滅所斷八見道所斷四
修所斷色界繫三十一隨眠幾見苦所斷幾
見集滅道修所斷答九見苦所斷六見集所
斷六見滅所斷七見道所斷三修所斷無色

界繫三十一隨眠亦介

隨眠是何義答微細義是隨眠義隨增義是
隨眠義隨逐義是隨眠義隨縛義是隨眠義
如是隨眠若未斷未徧知由二事故隨增謂
所緣故相應故如是隨增於自界非他界
有十二隨眠謂欲貪隨眠瞋恚隨眠色貪隨

眠無色貪隨眠慢隨眠無明隨眠有身見隨
眠邊執見隨眠邪見隨眠見取隨眠戒禁取
隨眠疑隨眠云何欲貪隨眠隨增謂可愛故
可樂故可戀故可意故云何瞋恚隨眠隨增
謂不可愛故不可樂故不可戀故不可意故
云何色貪隨眠隨增謂可愛故可樂故可喜

故可意故云何無色貪隨眠隨增謂可愛故
可樂故可意故云何慢隨眠隨增謂高舉故
輕慢故云何無明隨眠隨增謂無知故闇昧
故愚癡故云何有身見隨眠隨增謂我故我
所故云何邊執見隨眠隨增謂斷故常故云
何邪見隨眠隨增謂無因故無用故誹謗故

云何見取隨眠隨增謂最故勝故上故極故云何戒禁取隨眠隨增謂能清淨故能解脫故能出離故云何疑隨眠隨增謂惑故疑故猶豫故云何起欲貪隨眠乃至云何起疑隨眠答欲貪隨眠由三處起一者欲貪隨眠未斷未徧知故二者順欲貪纏法現在前故三

者於彼處有非理作意故乃至疑隨眠亦由三處起一者疑隨眠未斷未徧知故二者順疑纏法現在前故三者於彼處有非理作意故有七隨眠十二隨眠為七攝二十二攝七耶荅互相攝隨其事謂欲貪隨眠攝欲貪隨眠瞋隨眠攝瞋恚隨眠有貪隨眠攝色無色

交三

八

貪隨眠慢隨眠攝慢隨眠無明隨眠攝無明隨眠見隨眠攝五見隨眠疑隨眠攝疑隨眠七隨眠九十八隨眠為七攝九十八九十八攝七耶荅互相攝隨其事謂欲貪瞋隨眠各攝五有貪隨眠攝十慢無明隨眠各攝十五見隨眠攝三十六疑隨眠攝二十二隨眠

九十八隨眠為十二攝九十八九十八攝十二耶荅互相攝隨其事謂欲貪瞋色無色貪隨眠各攝五慢無明隨眠各攝十五有身見邊執見隨眠各攝三邪見見取疑隨眠各攝十二戒禁取隨眠攝六九十八隨眠幾是徧行幾非徧行荅二十七

是徧行六十五非徧行六應分別謂見苦集所斷無明隨眠或是徧行或非徧行云何是徧行或非徧行云何是徧行謂見苦集所斷非徧行隨眠不相應無明云何非徧行謂見苦集所斷非徧行隨眠相應無明欲界繫三十六隨眠幾是徧行幾非徧行荅九是徧行二十五非徧行二應分別謂欲界繫見苦集所斷無明隨眠或是徧行或非徧行云何是徧行謂欲界繫見苦集所斷非徧行隨眠不相應無明云何非徧行謂欲界繫見苦集所斷非徧行隨眠相應無明色界繫三十一隨眠幾是徧行幾非徧行荅九是徧行二十非徧行二應分別謂色界

交三

九

繫見苦集所斷無明隨眠或是徧行或非徧行云何是徧行謂色界繫見苦集所斷非徧行隨眠不相應無明云何非徧行謂色界繫見苦集所斷非徧行隨眠相應無明無色界繫三十一隨眠亦亦九十八隨眠幾是徧行修所斷幾非徧行非修所斷答三十七是徧行修所斷五十五非徧行非修所斷六應分別謂見苦集所斷無明隨眠或是徧行或非徧行云何是徧行謂見苦集所斷非徧行隨眠不相應無明云何非徧行謂見苦集所斷非徧行隨眠相應無明欲界三十一隨眠幾是徧行修所斷幾非徧行非修所斷答十三是徧行修所斷二十一非徧行非修所斷二應分別謂欲界繫見苦集所斷無明隨眠或是徧行或非徧行云何是徧行謂欲界繫見苦集所斷非徧行隨眠不相應無明云何非徧行謂欲界繫見苦集所斷非徧行隨眠相應無明色界三十一隨眠幾是徧行修所斷

幾非徧行非修所斷答十二是徧行修所斷十七非徧行非修所斷二應分別謂色界繫見苦集所斷無明隨眠或是徧行或非徧行云何是徧行謂色界繫見苦集所斷非徧行隨眠不相應無明云何非徧行謂色界繫見苦集所斷非徧行隨眠相應無明無色界繫三十一隨眠亦亦九十八隨眠幾有漏緣幾無漏緣答八十有漏緣十二無漏緣六應分別謂見滅道所斷無明隨眠或有漏緣或無漏緣云何有漏緣謂見滅道所斷有漏緣隨眠相應無明云何無漏緣謂見滅道所斷有漏緣隨眠不相應無明欲界繫三十六隨眠幾有漏緣幾無漏緣答三十有漏緣四無漏緣二應分別謂欲界繫見滅道所斷無明隨眠或有漏緣或無漏緣云何有漏緣謂欲界繫見滅道所斷有漏緣隨眠相應無明云何無漏緣謂欲界繫見滅道所斷有漏緣隨眠不相應無明色界

交三

十

繫三十一隨眠幾有漏緣幾無漏緣答二十
五有漏緣四無漏緣二應分別謂色界繫見
滅道所斷無明隨眠或有漏緣或無漏緣云
何有漏緣謂色界繫見滅道所斷有漏緣隨
眠相應無明云何無漏緣謂色界繫見滅道
所斷有漏緣隨眠不相應無明無色界繫三

十一隨眠亦尔

九十八隨眠幾有為緣幾無為緣答八十九
有為緣六無為緣三應分別謂見滅所斷無
明隨眠或有為緣或無為緣云何有為緣謂
見滅所斷有為緣隨眠相應無明云何無為
緣謂見滅所斷有為緣隨眠不相應無明欲

界繫三十六隨眠幾有為緣幾無為緣答三
十三有為緣二無為緣一應分別謂欲界繫
見滅所斷無明隨眠或有為緣或無為緣云
何有為緣謂欲界繫見滅所斷有為緣隨眠
相應無明云何無為緣謂欲界繫見滅所斷
有為緣隨眠不相應無明色界繫三十一隨

眠幾有為緣幾無為緣答二十八有為緣二
無為緣一應分別謂色界繫見滅所斷無明
隨眠或有為緣或無為緣云何有為緣謂色
界繫見滅所斷有為緣隨眠相應無明云何
無為緣謂色界繫見滅所斷有為緣隨眠不
相應無明無色界繫三十一隨眠亦尔

交三

十一

九十八隨眠幾所緣故隨增非相應故幾相
應故隨增非所緣故幾所緣故隨增亦相應
故幾非所緣故隨增非相應故答所緣故隨
增非相應故者無相應故隨增非所緣故者
謂無漏緣隨眠所緣故隨增亦相應故者謂
有漏緣隨眠非所緣故隨增非相應故者無
如不定繫欲界繫色界繫無色界繫亦尔
有二十法謂見苦所斷法見集所斷法見滅
所斷法見道所斷法修所斷法如不定繫欲
界繫色界繫無色界繫亦尔於見苦所斷法
幾隨眠隨增答見苦所斷一切及見集所斷
徧行隨眠於見集所斷法幾隨眠隨增答見

集所斷一切及見苦所斷徧行隨眠於見滅
 所斷法幾隨眠隨增若見滅所斷一切及徧
 行隨眠於見道所斷法幾隨眠隨增若見道
 所斷一切及徧行隨眠於修所斷法幾隨眠
 隨增若修所斷一切及徧行隨眠如不定繫
 欲界繫色界繫無色界繫亦尔

於見苦所斷法幾隨眠所緣故隨增非相應
 故幾隨眠相應故隨增非所緣故幾隨眠所
 緣故隨增亦相應故幾隨眠非所緣故隨增
 非相應故若所緣故隨增非相應故者謂見
 集所斷徧行隨眠相應故隨增非所緣故者
 無所緣故隨增亦相應故者謂見苦所斷一

切隨眠非所緣故隨增非相應故者謂見集
 所斷非徧行及見滅道修所斷一切隨眠於
 見集所斷法幾隨眠所緣故隨增非相應故
 幾隨眠相應故隨增非所緣故幾隨眠所緣
 故隨增亦相應故幾隨眠非所緣故隨增非
 相應故若所緣故隨增非相應故者謂見苦

所斷徧行隨眠相應故隨增非所緣故者無
 所緣故隨增亦相應故者謂見集所斷一切
 隨眠非所緣故隨增非相應故者謂見苦所
 斷非徧行及見滅道修所斷一切隨眠於見
 滅所斷法幾隨眠所緣故隨增非相應故幾
 隨眠相應故隨增非所緣故幾隨眠所緣故

支三

十一

隨增亦相應故幾隨眠非所緣故隨增非相
 應故若所緣故隨增非相應故者謂徧行隨
 眠相應故隨增非所緣故者謂見滅所斷無
 漏緣隨眠所緣故隨增亦相應故者謂見滅
 所斷有漏緣隨眠非所緣故隨增非相應故
 者謂見苦集所斷非徧行及見道修所斷一

切隨眠於見道所斷法幾隨眠所緣故隨增
 非相應故幾隨眠相應故隨增非所緣故幾
 隨眠所緣故隨增亦相應故幾隨眠非所緣
 故隨增非相應故若所緣故隨增非相應故
 者謂徧行隨眠相應故隨增非所緣故者謂
 見道所斷無漏緣隨眠所緣故隨增亦相應

故者謂見道所斷有漏緣隨眠非所緣故隨
 增非相應故者謂見苦集所斷非徧行及見
 滅修所斷一切隨眠於修所斷法幾隨眠所
 緣故隨增非相應故幾隨眠相應故隨增非
 所緣故幾隨眠所緣故隨增亦相應故幾隨
 眠非所緣故隨增非相應故答所緣故隨增
 非相應故者謂徧行隨眠相應故隨增非所
 緣故者無所緣故隨增亦相應故者謂修所
 斷一切隨眠非所緣故隨增非相應故者謂
 見苦集所斷非徧行及見滅道所斷一切隨
 眠如不定繫欲界繫色界繫無色界繫亦亦

十三末

說一切有部品類足論卷第三 交三

勵音羸例煨上力垂反退下知劣反怯下苦劫反憩上丘反息上丘反飄上丘反
 蕩上反憺下反怕二知劣反謚下必反躁則到反很上胡反悞上胡反
 憊反下矯居小反慢下女反傲上吾告反誕上吾告反逼上吾告反
 憤下房粉反恚下房粉反凶悖下蕭反搆下古候反度下徒故反

阿毗達磨品類足論卷第四 交四

尊者世友造 三藏法師玄奘奉 詔譯

辯隨眠品第五之二

有惟二十法謂惟見苦所斷法惟見集所斷
 法惟見滅所斷法惟見道所斷法惟修所斷
 法如不定繫欲界繫色界繫無色界繫亦亦
 於惟見苦所斷法幾隨眠隨增答惟見苦所
 斷非徧行隨眠於惟見集所斷法幾隨眠隨
 增答惟見集所斷非徧行隨眠於惟見滅所
 斷法幾隨眠隨增答惟見滅所斷一切隨眠
 於惟見道所斷法幾隨眠隨增答惟見道所
 斷一切隨眠於惟修所斷法幾隨眠隨增答
 惟修所斷一切隨眠如不定繫欲界繫色界
 繫無色界繫亦亦
 於惟見苦所斷法幾隨眠所緣故隨增非相
 應故幾隨眠相應故隨增非所緣故幾隨眠
 所緣故隨增亦相應故幾隨眠非所緣故隨
 增非相應故答所緣故隨增非相應故者無